

11. oktober 2017

UKA2017/33

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imaattoq matumuuna saqqummiupparput:

**Inatsisartunut qinersisarnermi qinersiviit amerlanerulersinneqarnissaat anguniarlugu Inatsisartunut qinersisarnermi inatsisip allanngortinnissaa pillugu apeqquteqaat aallaavigalugu Inatsisartut oqallinnissaannik siunnersuut.**

(Inatsisartuni Siumup gruppe)

**Tunngavilersuut:**

Qinersisarnermut inatsisip ukiumi 1998-imi allanngortinneqarneratigit nunarput qinersivittut ataasiinnanngortinneqarpoq. Tamatuma kinguneranik ullumikkut nunatta immikkoortuisa ilaat inatsisartuni immikkut sinniisoqarunnaarsimasutut oqaatigisariaqalersimapput, tamannalu kikkut tamat oqartussaaqataanerannik pingaartitsinermut naleqqutinngitsutut oqaatigisariaqarmat matumuuna siunnersuutigaarput nunatsinni qinersiviit amerlanerulersinneqarnissaat.

Takorloorneqarsinnaavoq Kommunalbestyrelsenut qinersisarnerup ilusiligaanerata pissuseqataanik aaqiisoqarsinaanera, tassa kommunikkaartumik qinersiviit aaqinneqarsinnaanerata:

Qinigaatitat: Assersuut

- |   |   |
|---|---|
| • Avannaa – (Qaanaaq, Upernavik, Ummannaq, Ilulissat)                       | 4 |
| • Qeqertarsuup tunua – (Qeqertarsuaq, Qasigiannuguit, Aasiaat, Kangaatsiaq) | 4 |
| • Qeqqa – (Sisimiut, Maniitsoq)   | 4 |
| • Sermersooq – (Nuuk, Paamiut, Tasiilaq, Ittoqqortoormiit)                  | 6 |
| • Kujataa – (Narsaq, Qaqortoq, Nanortalik)                                  | 4 |
| • Nunarput tamakkerlugu amerlanerpaanik <u>taatittut tulluuttut</u>         | 9 |

**Katillugit**

**31**

Malunnarpoq ullumikkut nunap immikkoortuiniit Inatsisartuni sinniisuutitaqarnissap qulakkeerniar-tarnera ajornartorsiutaammat, taamaammat nunatsinni nunap immikkoortuisa minitaanatik sinniise-qartarnissaat pisariaqartinneqarpoq. Minnerunngitsumik kommunerujussuit atulernerisa kinguneri-saanik isumaqarpugut pisariaqartoq Kommunenu Nunaqarfinnilu aqutsisunut qinersisarnerit kiisalu Inatsisartunut qinersisarnerit pillugit inatsisitigut periarfissiissutaasut imminnut naapertuunnerusaria-qartut.

Ilanngullugu oqallisigeqqarput Nunatsinnut suliaruinnarlutik maani najugaqarallartartut nunatsinnii-laaginnarlutik qinersisinnalersarnerat inissaminiinngitsutut isigigatsigu, nuna sulereerunik najugaqar-figisassarinnngisartik annertuumik sunniuteqarfigisinnalerlugu. Taamaattumik isumaqarpugut inuit ukiup affaa maaniiginnarlutik qinersisinnalersartut naleqqutinngitsumik sunniuteqarfisaraat nuna naalagaaffinnngornissaminut suliaqaruttulersoq. Isumaqarpugullu nalilersortariaqartoq avataaneersut tamarmik ikinnerpaamik ukiumi 2-ni imaluunniit 7-ni Kalaallit Nunaanni aalajangersimasumik naju-gaqareeraagamik aatsaat qinersisinnaatitaasalersinnaanerata.

Tunngavilersuutigineqarsinnaasut amerlagaluaqaat piumasarissuarpulli Inatsisartunut qinerseriaatsip allanngortinneqarnissaa siunertaralugu suliat Naalakkersuiusut suliaralugit aallartissagaat UPA 2018-imullu Inatsimmut allannguutissamik Inatsisartunut saqqummiussaqlutik.

Oqallilluarisi.